

Motibo pakico a core cu Hunta di Directiva

Ganashi di Setar a baha drasticamente

ORANJESTAD (AAN) — Rumornan persistente ta core riba caya cu henter e asunto di mandamento di Hunta di Directiva di Setar cas door di gobierno tin di haci cu e situacion malo cu Setar ta aden.

For di tempo cu Setar a haya competencia riba e mercado di telecomunicacion despues di por a haci y deshaci cu tarifican di telefoon pa añanan largo, nan a haya nan mes confronta cu e hecho cu nan mester a bay traha a base comercial y cu un maneho eficiente.

Digicel su mercadeo y servicio a pone cu Setar mester a baha su tarifican di telefoon celular unda cu Setar tabata gana placa na grandi pasobra yamadanan via telefoon celular tabata e galiña cu tabata pone webo di oro pa Setar.

Riba mercado comercial bo mester traha eficiente y cu un bon maneho financiero y ey ta caminda unda cu aparentemente Setar lo tabata fayando y Hunta di Directiva lo tabata hala nan atencion cada biaha.

No ta conoci cuanto placa gobierno a sigui saca di Setar despues cu Setar a haya competencia riba mercado comercial y kizas ta e sacamento di placa di Setar pa gobierno, den combinacion cu un posibel mal maneho financiero, a

pone cu Hunta di Directiva cu tabata preocupa, tabata para den caminda di e director y gobierno y ta pesey nan mester a worde hala un banda?

Segun rumornan, e forma con Setar su director tabata tuma cierto decisionnan financiero pa entre otro ofertanan pa celular cu tabata mucho bunita pa ta berdad, tabata e fuente di discusion entre Hunta di Directiva cu mester supervisa e maneho di Setar y e director di Setar y gobierno na otro banda di mesa.

Cifranan financiero di Setar di ultimo 2 aña lo ta mustrandó un caida basta formal di entrada financiero di Setar y Hunta di Directiva tabata sigui hala atencion di gerencia di Setar pasobra tardi of tempran ora cu cos bay for di man, ta esnan sinta

den Hunta di Directiva lo worde yama pa duna cuenta di nan responsabilidad di supervision riba Setar su maneho.

Mas tristo ta cu partidonan den oposicion ta mas ocupa pa lastra otro den parlamento y trata na score punto politico den parlamento, cu na

lugar di exige cifranan di Setar di añanan anterior pa asina durante tratamiento di presupuesto haci preguntanan di con Setar su ganashi a baha.

Ningun parlamentario a cay riba e asunto di maneho financiero di Setar y ey ta

caminda cu atrobe gobierno di MEP den combinacion cu 11 marioneta den parlamento a pasa oposicion otro fastball.

E lema di 'Setar ta di bo tambe' aki par di aña lo bay ta; 'Setar lamentablemente nunca tabata di bo tambe'?

Segun Rudy Lampe

Hubert Maduro ta e homber corecto pa e puesto den Raad van Staate

ORANJESTAD(AAN): Dialuna durante rueda di prensa di partido RED, lider di e partido Rudy Lampe a felicita señor Hubert Maduro, kende a keda nombra como miembro di Raad van Staate y a huramenta Diabierna ultimo

na Den Haag. Raad van Staate ta e organo di mas prestigio cu tin na Hulanda y pesey ta un gran honor cu Hubert Maduro a haya e puesto, representando Aruba.

Esaki segun Parlamentario Lampe, kende a bisa cu esaki

ta un nombracion mereci. Ta trata di un ambtenaar cu un trayectoria intachable.

E ta "The Right Man on The Right Place", segun Lampe, kende a duna palabranan di pabien na famia di sr Maduro y ta desee hopi exito, cu e funcion hopi importante.

E FRAME DI E BRIL SI A KEDA DI PALO!!



BEST DEAL

Tel: 5827100

(Pariha di Aruba Bank, Paradera)

BEST SHOPPING DEAL

Turibana Plaza

Tel: 5865455

